

91 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი, გაზეთი „ჩხარის კოლმეურნე“.



91 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“
ვახუშტი ბაგრატიონი

თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №21 (7119) 5 ნოემბერი 2024 წელი

საქართველოს პარლამენტის არჩევნები 2024

წინასწარი შედეგები



საქართველოს პარლამენტის 2024 წლის 26 ოქტომბრის არჩევნების შედეგების წინასწარი მონაცემებით, არჩევნებში მონაწილეობა მიიღო... ამომრჩეველმა ანუ ამომრჩეველმა ... პროცენტმა. საარჩევნო სუბიექტების მიხედვით სურათი ასეთია: 1119946 ხმით, ანუ არჩევნებში მონაწილეთა 53,928%-ით, უპირობო ლიდერია მმართველი პარტია „ქართული ოცნება“.

საქართველოს პარლამენტში შესასვლელად დაწესებული ხუთპროცენტისანი ზღვარი გადალახა ოთხმა ოპოზიციურმა საარჩევნო სუბიექტმა:

- 4—„კოალიცია ცვლილებებისათვის, გვარამია, გირჩი, დროა“ 229152 (11,034%)
- 5—„ერთიანობა—ნაციონალური მოძრაობა“ 211208 (10,17%)
- 9—„ძლიერი საქართველო—ლელო, ხალხისთვის, თავისუფლებისთვის!“—182914 (8,808%)
- 25—„გახარია საქართველოსთვის“—161500 (7,777%)

2

თერჯოლაში იუსტიციის სახლი გაიხსნა

სახელმწიფო და კერძო სექტორის სერვისებზე ხელმისაწვდომობა კიდევ უფრო იზრდება. 30 ოქტომბერს თერჯოლაში იუსტიციის სახლის 123-ე ფილიალი გაიხსნა. ეს მისია საქართველოს პრემიერ-მინისტრმა ირაკლი კობახიძემ და იუსტიციის მინისტრმა რატი ბრეგვაძემ შეასრულეს. შემდეგ, მათთან ერთად, ღონისძიების მონაწილეებს სიტყვით მიმართა, აგრეთვე, საპარლამენტო უმრავლესობის ლიდერმა მამუკა მდინარაძემ.

თერჯოლის იუსტიციის სახლი მოქალაქეებს თანამედროვე და კომფორტულ გარემოში

თავსებულობა იუსტიციის სამინისტროს მმართველობის სფეროში მოქმედი სსიპ-ების ოფი-

სონული ცენტრებისაგან მოშორებით მცხოვრებ მოქალაქეებს კი, მთელი ქვეყნის ტერიტორი-

ტორიაზე ქართული ინოვაცია და მას ანალოგი მსოფლიოს არცერთ ქვეყანაში არ აქვს.

სუფლებისა და საპატრიარქოს წარმომადგენლები, მონვეული სტუმრები.



მიანვდის 500-ზე მეტ სერვისს. აქვე განთავსებულია სპეციალური სივრცე ქორწინების საზეიმო ცერემონიალისათვის. ფილიალი სრულად არის მორეგული შეზღუდული შესაძლებლობის მქონე პირთა საჭიროებებს.

ახალ იუსტიციის სახლში 15-მდე ადგილობრივი პირია დასაქმებული. ფილიალში გან-

სებიც. მოქალაქეები აქ 500-მდე სახელმწიფო და კერძო სექტორის სერვისს, კომფორტულ გარემოში მიიღებენ.

სახელმწიფო სერვისების ხელმისაწვდომობა იუსტიციის სამინისტროს პრიორიტეტია, რასაც საქართველოს მასშტაბით იუსტიციის სახლი უზრუნველყოფს; 2028 წლისთვის მათი რიცხვი 133-ს მიაღწევს, რაი-

აზე 90 სოფელში ემსახურება ინოვაციური პროექტი „მობილური იუსტიციის სახლი“.

უშუალოდ იმერეთის რეგიონში 26 იუსტიციის სახლია, მობილური იუსტიციის სახლი კი, რეგიონის 15 სოფელს ფარავს. იუსტიციის სახლი ქუთაისის №2 პენიტენციურ დაწესებულებაშიც ფუნქციონირებს. ფილიალების მუშაობა ციხის ტერი-

იუსტიციის სახლის გახსნას ესწრებოდნენ საკანონმდებლო ხელისუფლების წევრები, თავდაცვის მინისტრი ირაკლი ჩიქოვანი, იუსტიციის მინისტრის მოადგილეები, სსიპ-ების ხელმძღვანელები, სახელმწიფო რწმუნებული იმერეთის მხარეში ლევან ზალკალიანი, თერჯოლის მუნიციპალიტეტის მერი, ადგილობრივი ხელი-

იუსტიციის სახლის ფილიალის საერთო ფართი 818 კვადრატული მეტრია, რომელიც ქალაქ თერჯოლაში რუსთაველის ქუჩის №116-ში მდებარეობს. სამშენებლო სამუშაოები ტენდერში გამარჯვებულმა კომპანიამ, შპს „სამშენებლო კომპანია №1“ განახორციელა. შესრულებულ სამუშაოთა ღირებულება 5 195 000 ლარია.



ამბები თერჯოლის მუნიციპალიტეტიდან

საამაყო პროექტი—ეს ძეგრის ბაღია

71 წლის წინ გახსნილა ძეგრში ბაგა-ბაღის ერთი ჯგუფი ძეგრის საერთო ბინების ოთახში. ადგილი წარმოსადგენია პირობები, მაგრამ ეს დიდი მოვლენა იქნებოდა ძეგრის ისტორიაში. ცნობილია მისი პირველი გამგე ნათელა ცირეკიძე, ჰქონდათ სხვა, ახალი ბაღი, 1990 წელს ახალი ბაღი აშენდა, ამ ბაღში აღიზარდა ბევრი თაობა, რომლებიც ძეგრის შეიქმნილიან თუ საშუალო სკოლაში იღებდნენ განათლებას. ძეგრის სკოლა ჯერ ძველ შენობაშია, თუმცა არც ახლა ემუშავებთ ხელი, სკოლა ერთ-ერთი მონინავე იყოს. სკოლის მშენებლობა დაწყებულია, საძირკველი უკვე ჩანს, მომავალ წელს ძეგრში ახალი სკოლა გაიხსნება და განმეორდება სიხარული, ისეთი, როგორიც ახლახან განიცადეს ძეგრელებმა ახალი ბაგა-ბაღის გახსნით.

ერთი წელი ელოდნენ ძეგრელები ამ ბაღს. მშენებლობა 1.200 ათასი ლარი დაჯდა. შს „იმერთმშენმა“ ერგეთის პროექტით უნაკლოდ შეასრულა სამუშაოები და დგას ახლა თანამედროვე სტანდარტების ბაგა-ბაღი ძეგრში, მის მშენებლობის პროცესს ყოველდღე ადევნებდა თვალს მთელი სოფელი, ბაგა-ბაღის თანამშრომლები, პატარები.



ორმოცი აღსაზრდელი ეუფლება სასწავლო-სააღმზრდელო პროცესს, 12-მა პირველად შეალო ბაღის კარები და ვნახეთ ახალი ბაღის პირველი თაობა, ეს მათთვის პატარა ისტორიაა, ცხოვრების დასაწყისი, როგორც პირველი ნაკადისა.

ბევრი სტუმარი ჰყავდა ძეგრს. სახელმწიფო რწმუნებულის პირველი მოადგილე იმერეთის მხარეში ლევან სანიკიძე, მისი თანმხლები პირები. ბატონმა ლევანმა ლამაზი და ბედნიერი მომავალი უსურვა პატარებს, დამსწრეთ ბაგა-ბაღის გახსნა მიულოცა, საგანამანთლებლო რესურსცენტრის ხელმძღვანელმა ქეთევან შეყრილაძემ მადლიერება ერთგვარი ნიჭია, იგი ძლიერი გრძნობაა, უნდა გვექონდესო, მიულოცა ბაგა-ბაღის გახსნა არა მარტო აღმზრდელ-პედაგოგებს და პატარებს, არამედ ძეგრის მოსახლეობას. სამადლობელი არ დაიშურა ბაგა-ბაღის დირექტორმა მაყვალა მაჩიტაძემ, განათლების პროფკავშირების ორგანიზაციის თავმჯდომარემ, პედაგოგმა ხათუნა გურულმა, მიულოცეს და წარმატებები უსურვეს პატარა აღსაზრდელებს, მშობლებს, ძეგრელებს, საჯარო სკოლის დირექტორმა, მაჟორიტარმა დეპუტატმა მანუჩარ ფანჩულიძემ ბედნიერი დღე უნოდა ბაგა-ბაღის გახსნის დღეს—სწორედ ასეთი ბაღი ეკადრება ჩვენს ქვეყანასო—თქვა, ბაგა-ბაღის გახსნას ესწრებოდნენ საკრებულოს თავმჯდომარის პირველი მოადგილე დავით გოგბერაშვილი, საკრებულოს რამდენიმე დეპუტატი, მერიის თანამშრომლების ერთი ნაწილი, თითქმის ყველა ბაგა-ბაღის დირექტორი, მშობლები, სოფლის მაცხოვრებლები. ბაგა-ბაღის გაერთიანების დირექტორმა, რომელმაც ღონისძიება გახსნა, სამადლობელი მერიის, სამხარეო ადმინისტრაციის, საკრებულოს და მისი თავმჯდომარის

გია ბარათაშვილის მისამართით არაერთხელ გაიმეორა—„ბატონი მანუჩარი, მშენებლობის პროცესს ყოველდღეობდა აკვირდებოდა, იგი ბევრს მუშაობს, რათა რაიონი წარმატებული იყოს, ჩვენც მიგვაჩვენა 24 საათიან რეჟიმში მუშაობას, ჩვენ ვაფასებთ და მადლიერები ვართ ამ ზრუნვისათვისო“—თქვა მაია თორთლაძემ და ზედმინევიანი სწორად გამოხატა მერის დამოკიდებულება, „ჩვენი დირექტორები, ისინი, სადაც ჯერ კიდევ არ არის ახალი ბაღი ამბობენ—მეც მინდა ასეთი ბაღი, დადგება დრო ამ სიტყვის თქმა, არ დაგვჭირდება“—თქვა ქალბატონმა მაიამ.

ბატონმა მანუჩარმა მიულოცა ბაგა-ბაღის გახსნა ყველას და მომავალი წარმატებები უსურვათ, ჩვენ კიდევ ბევრ სოფელს მივანიჭებთ ამ სიამოვნებას, ასეთი ერთიანობა და გუნდურობა იძლევა ამის თქმის საშუალებას, ჩვენი ხელისუფლების პირობებში 9 ახალი ბაღი, ამდენივე სკოლა მუნიციპალიტეტში, იმერეთის სხვა მუნიციპალიტეტებში 50 ახალი ბაგა-ბაღი და ყველგან სხვადასხვა მიმართულებით რეაბილიტაცია, არ არის ადვილი. ამდენი ინფრასტრუქტურა არც ერთი ხელისუფლების პირობებში არ მოწყობილა, საამაყო ეს პროექტით...

მერე გაიჭრა ლენტე და ყველამ დაათვალიერა ახალი ბაგა-ბაღი, რომელიც უნაკლოა, ცენტრალური გათბობით, სრულიად ახალი ინვენტარით, ცალ-ცალკე ოთახებით, სამზარეულოთი, დარბაზი, საძინებელი, სამეცადინო-სათამაშო ოთახები, აქ ყველაფერი ახალია, კრიალა, საუკეთესო, ჯგუფებისათვის „ჭიაშია“ და „მერცხლები“ ყველა პირობაა, კოლექტივში ერთიანობაა, იგრობა მათი და მშობლების თანამოღვაწეობა.



„ყველაზე ძვირფასი, რაც გაგვაჩნია“...

„ყველაზე ძვირფასი, რაც გაგვაჩნია, ეს ბავშვებია“—თქვა მუნიციპალიტეტის მერმა მანუჩარ რობაქიძემ და ზუსტად გამოხატა სათქმელიც და პირადი დამოკიდებულება თაობებთან მიმართებაში.

ამ დღეებში სოფელ ქვედა ალისუბნის ბაგა-ბაღი გაიხსნა, სასწავლო-სააღმზრდელო პროცესი განახლდა. ბაგა-ბაღის დირექტორმა მადონა ქოჩიაშვილმა არაერთხელ გამოხატა მადლიერება მუნიციპალიტეტის მერიის, საკრებულოს, პირადად მერის მისამართით. „ბატონი სპირად დადიოდა ბატონი მერი და აკვირდებოდა მუშაობის პროცესს, შესრულებული სამუშაოს ხარისხს. ძირითადი სამუშაოები თითქმის მთავრდებოდა, როცა გარე კედლები, რომლის შეკეთება არ იყო გათვლილი, დაათვალიერა და თქვა—ამ ხარისხის რემონტს და ამ შენობას, ეს ფასადი არ შეეფერებო და იქვე მიიღო გადაწყვეტილება გარე კედლების შეკეთების თაობაზე“—გაიხსენა დირექტორმა და ბაგა-ბაღის გაერთიანების ხელმძღვანელის ნათქვამს—ეს ქალი „გვაყარა“ და, ყოველდღე რაღაცას ითხოვდა, ჩვენც გვაძიებდა დათანხმებას და მერთან და შესაბამის სამსახურთან შეთანხმებას“—მხიარული განწყობა მოჰყვა.

სიხარულსა და მადლიერებას გამოხატავდნენ აღმზრდელ-პედაგოგები, მშობლები, აღნიშნეს ეს კიდევ თავიანთ სამადლობელ სიტყვებში.

ლამაზი და კომფორტულია ბაგა-ბა-

რი სმენად ვიყავი ქცეული, რომ არა მერი, ბატონი მანუჩარი, ეს შენობა არ გარემონტდებოდა და არც ასე კარგადლო—ამბობდნენ მშობლები.

45 აღსაზრდელით დაინყო სასწავლო-სააღმზრდელო პროცესი, რაც ყველაზე სასიხარულოა, 18-მა პირველად შეალო ბაგა-ბაღის კარები, მათ დახვდათ სრულიად ახალი გარემო, ყველაფერი გარემონტებული და ახალი, კარადები, ჭურჭელი, ავეჯი, ფარდებიც კი, შემოზიდულია სათამაშოები, მრავალი სასწავლო რესურსი.

გამომსვლელებმა აღნიშნეს, რომ ბაგა-ბაღის თანამშრომლები მოთხოვნების დონეზე წარმართავენ მუშაობას „მე მახსოვს ამ ბაღის აღსაზრდელთა კარგი გამოშვებები, საინტერესო ღონისძიებები, მომავალში უკეთესს მოველით“—ბატონმა მანუჩარმა და არ შეიძლება არ დაეთანხმო, რადგან ახლა გარემო გაცილებით უკეთესია და ყოველწლიურად იზრდება დაფინანსებაც.

მუნიციპალიტეტი მართლაც ბევრ თანხას ხარჯავს არა მარტო მატერიული-ტექნიკური ბაზის გაუმჯობესებისათვის, არამედ კვებაში. მე კარგად მახსოვს ათეულობით წლების წინანდელი



ლი, ღირდა აღმზრდელობითი პროცესის რამდენიმე დღით გადადება და „ყარა-ლობაც“. ბაგა-ბაღის გახსნას და სასწავლო-სააღმზრდელო პროცესის დაწყებას ესწრებოდნენ მშობლები, აქ იყვნენ: საკრებულოს თავმჯდომარის პირველი მოადგილე დავით გოგბერაშვილი, სოფლის მაჟორიტარი დეპუტატი ბადრი ბუცხრიკიძე, მერის წარმომადგენელი სოფელში იაგო აბუანდაძე, რომლებმაც ბაგა-ბაღის გახსნა მიულოცეს დამსწრეთ.

სტუმრებისგან განცალკავებით მდგა-

ამბები და ერთი წერილის სათაურიც—„ბაგა-ბაღებში 1 ბავშვზე დღეში 35 თეთრობა“. მახსოვს ისიც, როცა სათამაშოები მასწავლებლებს სახლიდან დაჰქონდათ, ზოგჯერ ხილიც და ნისიად გამოჰქონდათ პროდუქტი.

ყურადღება მიიქცია ათმა თუ მეტმა ათლიტრიანმა ბალონებმა წარწერით „სწო“. მაია თორთლაძემ მითხრა, რომ იმ სოფლების ბაგა-ბაღებში, სადაც მხოლოდ ტექნიკური წყალია, სასმელად და საჭმლის მოსამზადებლად შესყიდულ წყალს მოიხმარებო.

უსაფრთხო გარემოა ბაგა-ბაღებში. გვერდის ავტორი შუშუნა ცხადაძე

ამბები თერჯოლის მუნიციპალიტეტიდან

ძლიერი ქარების შედეგების სალიკვიდაციოდ

საქართველოს მთავრობამ თერჯოლის მუნიციპალიტეტს სტიქიის შედეგების სალიკვიდაციოდ 75 000 ლარი გამოუყო, რაც სექტემბრის თვეში ძლიერი ქარის შედეგად დაზიანებული ინფრასტრუქტურის აღდგენას მოხმარდება.

გასულ თვეში თერჯოლის მუნიციპალიტეტის მერი მანუჩარ რობაქიძე, სოფელ ბარდუბანსა და გოგნში, ძლიერი ქარების შედეგად დაზარალებულ მოსახ-

ლურად გაცნო ინფორმაცია, თუ რა ღონისძიებებს ატარებს საქართველოს მთავრობა სტიქიით დაზარალებულთა დასახმარებლად.

სამწუხაროა, რომ 28-29-30 სექტემბრის სტიქიის შედეგად განსაკუთრებით დაზარადა სოფელ ბარდუბანში დავით მარგველაშვილის ოჯახი, რომელსაც ქარის შედეგად გამოწვეული ხანძრით, სრულად დაენვა საცხოვრებელი სახლი და

ლიკვიდაციოდ გადმორიცხული თანხებით, მარგველაშვილებს ახალი სახლი აუშენდებათ. როგორც მუნიციპალიტეტის მერმა დაზარალებულ ოჯახთან შეხვედრისას განაცხადა, სახლის სამშენებლო სამუშაოების შესყიდვის მიზნით, მერია ტენდერს რამდენიმე დღეში გამოაცხადებს და მომავალშიც გააგრძელებს ამ ოჯახის თანადგომას.



ლობას შეხვდა. მერმა სტიქიით დაზარალებულ მოსახლეობას დეტალურად

დამხმარე ნაგებობები. ადგილობრივი თვითმმართველობის გადანაწევრებით, სტიქიის სა-

თანადგომა ბავშვიან ოჯახებს



თერჯოლის მუნიციპალიტეტში, ბავშვიან ოჯახების მხარდაჭერისა და გაძლიერების მუნიციპალური პროგრამის ფარგლებში, მორიგი სოციალური აქცია მოენყო და მუნიციპალიტეტში მცხოვრებ შეჭირვებულ ოჯახებს საოჯახო ტექნიკა გადაეცა. მიმდინარე წელს, აღნიშნული პროგრამით, ადგილობრივმა თვითმმართველობამ, თერჯოლის მუნიციპალიტეტში მცხოვრებ 21 შეჭირვებულ და მრავალშვილიან ოჯახს 17 ათასი ლარის ღირებულების საყოფაცხოვრებო ტექნიკა გადასცა.

ვეტერანის დღე თერჯოლაში

17 ოქტომბერს, მუნიციპალიტეტის მერი, მანუჩარ რობაქიძე, საკრებულოს თავმჯდომარე გიორგი ბარათაშვილსა და ვეტერანების საქმეთა სახელმწიფო სამსახურის უფროსთან, გი-

ორგი ლილუაშვილთან ერთად, მუნიციპალიტეტში მცხოვრებ ომის ვეტერანებს შეხვდა, მიულოცა ვეტერანის დღე და მომავალში მხარდაჭერას დაჰპირდა.

იმავ დღესვე, ადგილობრივი თვითმმართველობის წარმომადგენლები გმირთა მემორიალთან შეიკრიბნენ. გაიხსენეს საქართველოს ტერიტორიული მთლიანობისათვის დაღუპული მებრძოლები, გვირგვინით შეამკეს მემორიალი და წუთიერი დასვენებით მიაგეს მათ ხსოვნას.

ვეტერანთა პატივსაცემ ღონისძიებას, მერის მოადგილეები: ზვიად ბაზაძე და მირზა ქოჩიაშვილი, მერიის და საკრებულოს თანამშრომლები, ასევე ვეტერანები და სხვა მონაწილე სტუმრები ესწრებოდნენ.



მინის სისტემური რეგისტრაციის რეფორმა გრძელდება!

საქართველოს პრემიერ-მინისტრის, ირაკლი კობახიძის გადანაწევრებით: მოქალაქეებს, რომლებმაც ვერ მოახერხეს რეფორმაში ჩართვა, საჯარო რეესტრის ეროვნული სააგენტო შესაძლებლობას აძლევს 2025 წლის ბოლომდე, სრულიად უფასოდ აზომონ და დაირეგისტრირონ მინის ნაკვეთი.

მინის სისტემური რეგისტრაცია
ყველა მოქალაქისთვის
საუბრალოდ უფასოდ
2025 წლის ბოლომდე გარკვეულ ვადებში

ორმოცდათექვსმეტი წარმატებული—ორმოცდათექვსმეტი კომპიუტერი

კულტურის სახლის დარბაზი პედაგოგებით, მოსწავლეებით, მშობლებით იყო სავსე. დამსწრე საზოგადოება ელოდა წლების წინ დაწყებულ და ტრადიციადქცეულ, ყველაზე სასიხარულოს, ამალღებულს—საშუალო საფეხურის მოსწავლეებისათვის კომპიუტერების და სამადლობელი სიგელების გადაცემის ცერემონიას.

მუნიციპალიტეტის მერი მანუჩარ რობაქიძე და საკრებულოს თავმჯდომარე გია ბარათაშვილი ზუსტად დათქმულ დროს მოვიდნენ. საგანმანათლებლო რესურსცენტრის ხელმძღვანელმა ქალბატონმა ქეთევან შეყრილაძემ ღონისძიება გახსნა და ახალგაზრდებს, მშობლებს, მასწავლებლებს მიულოცა მნიშვნელოვანი მოვლენა მათ ცხოვრებაში. ყველა დღე



ადამიანისათვის დღესასწაულია, მაგრამ ორმაგია დღესასწაული, როცა, რაღაც განსაკუთრებული ხდება მის ცხოვრებაში. კიდევ ერთხელ მიულოცა და წარმატებები უსურვა ახალგაზრდებს მომავალ საფეხურებზედაც...

დიახაც იყო ეს დღე განსაკუთრებული—მუნიციპალიტეტის საჯარო სკოლების 56 მოსწავლისათვის, რომლებმაც წარმატებით დაძლიეს საშუალო საფეხური, კომპიუტერები უნდა გადაეცათ. კომპიუტერების და სამადლობელი სიგელების გადაცემაში, როგორც ქალბატონ ქეთევანს უყვარს თქვა—მას „ეხმარებოდნენ“ მუნიციპალიტეტის მერი მანუჩარ რობაქიძე და საკრებულოს თავმჯდომარე გია ბარათაშვილი. ისინი გადასცემდნენ კომპიუტერს და ეფერებოდნენ მოსწავლეებს, ერთ-ერთი რობაქიძისათვის კომპიუტერის გადაცემისას ბატონმა მანუჩარმა „გამოერია რობაქიძეო“ თქვა და მერე იმატა ამ გვარის მოსწავლეებმა. რობაქიძეები ბატონ მანუჩართან—ქეთევანმა და ამ ნათქვამს დარბაზში მხიარული განწყობა მოჰყვა. დაჯილდოებულ მოსწავლეებს შორის ბარათაშვილი არ აღმოჩნდა და ბატონ გიას, როგორც ძვერელს, ძვერელი მოსწავლეების სიმრავლე ახარებდა.

ბატონმა მანუჩარმა და ბატონმა გიამ მოსწავლეებს, რომლებმაც საჩუქრად კომპიუტერები მიიღეს, მიულოცეს შრომის პირველი შეფასება და წარმატებები უსურვეს, მაგლობა უთხრეს ახალგაზრდებს იმისათვის, რომ კარგები არიან, რომ არიან ისეთები, რომლებიც მოუვლიან საქართველოს.

სიტყვებით გამოვიდნენ: კვახჩიის საჯარო სკოლის დირექტორი ლია ჩხიკვაძე, მშობელი და პედაგოგი შორენა გენაძე, თერჯოლის №1 საჯარო სკოლის დირექტორი, მაჟორიტარი დეპუტატი ელისო მურადაშვილი, გოგნის სკოლის დირექტორი ვერა ქოჩიაშვილი. მან სიამაყით აღნიშნა, რომ ბატონი მანუჩარი გოგნის სკოლის აღზრდილია. გამომსვლელებმა მაგლობა გადაუხადეს განათლების სამინისტროს, ადგილობრივ ხელისუფლებას, საგანმანათლებლო რესურსცენტრს თანადგომისა და ყურადღებისათვის, პოტენციური მედალოსნები იქნებიან და მომავალი წარმატებები უსურვეს.

გამოვიდნენ მოსწავლეებიც, რომლებმაც სამადლობელი სიტყვები არ დაიშურეს—აღნიშნეს, რომ საამისოდ პირველი კლასიდან ოცნებობდნენ, არა კი არ ოცნებობდნენ, თავდაუზოგავად შრომობდნენ.

ღვანკითის საჯარო სკოლის მოსწავლეთა მომღერალმა ჯგუფმა შეასრულა სიმღერა—„ფხაზეთი საქართველო არის“. ამ სიმღერით ბევრი რამ ითქვა.

ლამაზი წუთები იყო, დასამახსოვრებელი, გამსჭვალული მაღლიერებით. „თუ წარსული დაგვაკინცდა, არ იქნება მომავალი“—თქვა რესურსცენტრის ხელმძღვანელმა და ამ სიტყვებით ყველას განწყობა გამოხატა.

შუშუნა ცხადაძე

„კლდიაშვილი—მარადიული მასპინძელი“

„ოქტომბერში თუ ჩვენს მხარეს ჩავივლია“... ანუ შემოდგომის მზით უჩვეულოდ გაჩანჩახებული თერჯოლის თითქმის ყოველდღიურმა კულტურულმა აქტივობებმა ოქტომბერში ზენიტს მიაღწია, თითოეული მნიშვნელოვანი, მხიარული და დასამახსოვრებელი იყო, განსაკუთრებით თავმოსანონი კი ძვერში, საგვარჯილეს რეკრეაციულ სივრცეში ჩატარებული სახალხო ზეიმად ქცეული სპორტისა და ოლიმპიზმის 35 წლისთავისადმი მიძღვნილი ღონისძიება გახლდათ, რომელსაც იმერეთის მეზობელი მუნიციპალიტეტებიდანაც შემოუერთდნენ...

ჯერ კიდევ შთაბეჭდილებათა მაღალი ემოციის ქვეშ მყოფი თერჯოლები მონაწილე-ახალგაზრდობის ცენტრში, თითოეული თერჯოლელისათვის საამაყო და უსაყვარლესი ჩვენებურის, დიდი სახალხო მწერლის, მარადუკვდავი დავით კლდიაშვილის დაბადების დღისადმი მიძღვნილ ღონისძიებაზე მიიპატიჟეს დიდი რუდუნებითა და კლდიაშვილისებური იმერული შტრიხებით მომზადებული მოსაწვევი ბარათებით...

„კლდიაშვილი—მარადიული მასპინძელი“—ასე ჰქვია ლიტერატურულ საღამოს და ის ცენტრის ჭიკრიდანვე იწყება დავითის დროინდელი გაცოცხლებული იმერული ეზოთი, სტუმართმოყვარეობით, ხილით დახუნძლული მაგიდით, თუმცა უფრო მდიდრული, და ცენტრის ულამაზესი ქალბატონების მიპატიჟებით.

აქ კი ალბათ ბოლოს სათქმელს ვიტყვი და ვფიქრობ საღამოს მნახველთა უმრავლესობის აზრს გამოვხატავ: მონაწილე-ახალგაზრდობის ცენტრი უკვე ბევრი წელია ყველა ახალი აქტივობით ანებივრებს და ალაფრთოვანებს მაცურებლებს სიახლეებით, მრავალფეროვნებით, გემოვნებით თუ დახვეწილი შესრულებითა და მაღალი დონით. ყოველივე ეს ხომ არა მხოლოდ მაცურებლების გართობა-სიამოვნებას, არამედ ცენტრის აღსაზრდელთა მრავალმხრივ განვითარება-განსწავლელობას, მათი შესაძლებლობების გამოვლენას და შეფასებას ემსახურება... არაფერი გადაჭარბებულს არ ვიტყვი, იმდენადვე ლიტერატურული საღამოს თუ წარმოდგენა-სპექტაკლის მონაწილემ მიიღო დიდი ცოდნა კლდიაშვილის დროინდელი იმერეთის ყოფა-ცხოვრებისა, საკუთარი ძალებიც მოსინჯა და საუკეთესოდ დაამტკიცა, რომ ნიჭიერი და შემოქმედებითი ახალგაზრდობაა ღირსეულად რომ გააგრძელებს და უკეთესად აქცევს უძველესი ერის უმდიდრეს ტრადიციებსაც, მათ შორის გნებავთ თეატრალურ ხელოვნებაშიც.

არ შემიძლია აქვე არ ვთქვა სცენარზე. ის იყო სრულიად ახალი სტილი და ახლე-

გულწრფელად მიტანილი მაცურებლებთან, როგორც თვით მწერლის შემოქმედება...

„იმ წელსაც ჩვეულებრივ მიიწურა ზაფხული, მარიამობის დღესასწაულმა ამ უტყუარ დროთა ბრუნვას ბეჭედი დაუსვა და როგორც ხალხი იტყოდა, დღის მეორე ნახევრიდან შემოდგომის თელხმა დაჰკრა...“

სამყარო თავის გზას მიჰყვებოდა... ჩუქნიდა თავის წილს ადამიანებს.

ბარაქიანი შემოდგომა შემობრძანდა იმერეთში ცოტა ხნით, მაგრამ მაინც შევებას რომ აგრძობინებდა ღარიბ იმერეთს...

სექტემბერი იდგა, ზაფხულის ტირილმა ახალი ადამიანის მობრძანება ამცნო დედამიწას...

მაგრამ მხოლოდ ზეცამ იცოდა, კლდიაშვილების ოჯახს ვინ აჩუქა...

დაიბადა დიდი ქართველი, განა ოჯახის, იმერეთის, საქართველოს ღირსეული ადამიანი...

დაიბადა მსოფლიოს კალმოსანი, იმერეთის ქოხებში დამალული, ტკივილი, სიხარული, ადამიანად ყოფნის სიცილ-ტირილიანი ცხოვრება, ზოგადსაკაცობრიოდ რომ აქცია...

დაიბადა დიდი დავით კლდიაშვილი... ასე იწყებენ სპექტაკლს ნამყვანები, შემდეგ კი ფარდა იხსნება და... ყველაფერი ისეა როგორც დიდ, პროფესიულ თეატრებში, სცენა, ფარდა, შუქები, მუსიკა...

სცენაზეა სხვადასხვა ნაწარმოებების გარინდული გამრეები, თითქოს დრო გაჩერებულა...

სცენის სიღრმეში ძველებურ მაგიდას-



ბურად გადმოცემა მწერლის შემოქმედებისა, კარგად გააზრებული, ყველა დეტალში გათვლილი სასცენო ნიუანსები, დიდი შრომითა და რუდუნებით მომზადებული რთული, თუმცა მაღალ დონეზე შესრულებული და ისე უშუალოდ და

თან მხოლოდ მწერალი ზის და მას ახლა გასაუბრება მოუწევს ჟურნალისტებთან.

„დიდი დავითი ცოცხალი ხიდა ეპოქებს შორის... დრო მიდის და ეს ხიდი იზრდება, არ კარგავს ფუნქციას, არ მიჰყვება ეპოქას...“



არ ემორჩილება დროს, პირიქით მას იმორჩილებს...

იქნებ თვით მწერალმა გვიპასუხოს რაშია საიდუმლო...

ვის უძღვნიდით თქვენს შემოქმედებას ბატონო დავით?

დავითი: „როცა დავწერე მეშუარეები „ჩემი ცხოვრების გზაზე“, აღვნიშნე რომ... ნაშრომს ვუძღვნი მათ სსოვნას, ვინც გული სიყვარულით გამოთბო, მასწავლა ადამიანის პატივისცემა და ნდობა, მოკლე მოგონებებში არაფერი შეფერადებული არ იქნება და ეს უხევა ყველა ჩემს ნაწარმოებს...“

„მხოლოდ სინამდვილე, სინამდვილე, რომელსაც ვადუხრებლად ვემსახურებო-

მოუტანა სამანიშვილების ოჯახს. (სამანიშვილის დედინაცვალი).

მაცურებელი თვალს ადევნებს, როგორ დაარღვია ოჯახის მძიმე ჭაბანწყვეტი მოტანილი არსებობა და მყუდროება 70 წლის აზნაურის ბეკინას ახირებულმა სურვილმა. თავზარდაცემულმა პლატონმა, რომელიც შიშობს მამის სურვილს ცოლის შერთვის თაობაზე მამულის გამყოფის გაჩენა არ მოჰყვებს, გადაწყვიტა თავად იკისროს საკუთარი მამის მაჭანკლობა. წარმოვიდგინოთ, როგორი შეურაცხყოფელია ეს იმერული კაცისათვის და მაინც, პლატონმა წარმატებით დაასრულა ორნაქმარევი, უშვილო სადედინაცვლოს ძებნა, თუმცა



დი მთელი ჩემი მწერლობის განმავლობაში...“

„ჩემს შემოქმედებას ერთი მთავარი მოქმედი პირი, ერთი დირიჟორი ჰყავს, ორკესტრის წევრები, რა თქმა უნდა ჩემი ნაწარმოებების მოქმედი პირები არიან, რომელთან ერთ-ერთად ვარ მე, მათთან ვცხოვრობდი, ეს ცოცხალი საზოგადოების რეალური ადამიანები არიან...“

ხოლო კითხვაზე: „და მაინც დირიჟორი ვინ არის?“ პასუხია:

„სიღარიბე, დიას სიღარიბე, საშიში დირიჟორია, არა მხოლოდ ადამიანისათვის, ერისთვის... იმიტომ რომ სიღატაკე მთელი სისასტიკით ადამიანის ღირსების წინააღმდეგაა მიმართული. ის მთელ ჩვენს დროს ითხოვს, შესაბამისად, გააზრების საშუალება აღარ გვაქვს...“

დროებამ ისე მოიტანა, რომ მცირე ქონებაც სიმდიდრედ ითვლებოდა და მის მქონებელს თავს ბედნიერადაც აგრძობინებდა, ამიტომ მადლობას წარმოათქმევინებდა უფლისადმი: „ამაზედაც გმადლობ უფალო, ამაზედაც გმადლობ“. ასე ცოტაზე დამყარებული კმაყოფილება კი შესაშური ნამდვილად არ იყო. რა საფიქრალია, რომ ასე ცოტათი მოტყუებული ბედნიერება ისევე ცოტა მიზეზითვე ხელიდან არ გამოეცლებოდათ. სუსტ საფუძველზე დამყარებული კმაყოფილება არ მოესპობოდათ!“—ასეთ პასუხს აძლევს დავითი „ჟურნალისტებს“.

შემდეგ სცენაზე მონაცვლეობენ დავითის მოთხრობების ინსცენირება-სიუჟეტები, პერსონაჟები: ბეკინა, პლატონი, ვეჩილი, გვერდევანიძე, დარიკო, თეკლა, კირილე, არისტო, ელენე და ბიჭი, რომლის დაბადებამ უამრავი უსიამოვნება

შედეგად იმედი გაუცრუვდა...“

სპექტაკლში მრავლადაა კომიკური სიტუაციები, პლატონი თავისი კონკრეტული საქმით, მწუხარე სახის აზნაური და მეორე მხრივ პლატონის დარდიმანი სიძე, კირილე მიმინოშვილი, მუდამ ქეფისათვის აწყვეტილი და საიდუმლოს არც თუ შემნახველი.

მოთხრობის სიუჟეტი, უზადოდ დაწერილი და მონაწილეთა მიერ საუკეთესოდ განსახიერებული, ცალკეული პასაჟები, შთაბეჭდავი სურათები და კარგად შეკრული კომპოზიცია გულგრილს არ ტოვებს მაცურებელს, არა მხოლოდ „სამანიშვილის დედინაცვლის“ წარმოდგენისას, ასევე „დარისპანის გასაჭირის“, „ქამუშადის გაჭირებისა“ თუ „სოლომონ მორბელაძის“ წარმოდგენისას.

სიღარიბე და იმედგაცრუება თან სდევს დავით კლდიაშვილის ნაწარმოებებს, პერსონაჟებს, ისინი უმეტეს შემთხვევაში კომიკურ, ამავე დროს შესაბრალის მდგომარეობაში არიან, საშველი კი არ ჩანს...

სასონარკვეთილი („დარისპანის გასაჭირი“) დარისპანი ქალიშვილების გათხოვება რომ გაჭირვებია, არაფერს ერიდება ოღონდ ვინმეს თავის ქალიშვილი მოაწონოს და როგორმე გაათხოვოს, ყოველი მცდელობა კი ამაოა, იმედგაცრუებული და ხელმოცარული რჩება ოტია ქამუშადეც, რომელმაც ჯერ საკუთარ სოფელში არჩეული საცოლის გამო მიიღო უარი, ხოლო ქალაქიდან მოყვანილი ქალი, დაპირებული მდიდარი ოჯახის ნაცვლად ღარიბი ოჯახიშვილი აღმოჩნდა, კვლავ სიღარიბე, უსახსრო მდგომარეობა, ტალახიანი ორლობე და... 7

გონერი მოსელიძე—65 გილოცავთ...



მტერი ვერაფრით რომ ვერ
ავლავემე,
სიკვდილი რაა,
სიკვდილზე უფრო,
გაქრობის შიში
მალაპარაკებს!

ფიქრის (საყვარელი მამიკოსგან)

კიდე 4-ჯერ 30,
თუკი ქვეყნად ღმერთი
ღმერთობს,
შენს კერაზე სიხარულის,
სიყვარულის ცეცხლი ენოს!
მე კი საფლავს ვიმშვენებდე,
თუნდაც წლებით ასიოდე,
შენგან ანთებული სანთლის,
ცრემლი გულზე დამდიოდეს.
შენ იხარე შვილო დიდხანს,
ჩემთვის არ ვისურვებ
ამდენს,
გარდა კიდევი ორი ძითა
შენგან ყოფა დამიამდეს.
ჩაგიფიქრე, მოგიფიქრე,
მიფიქრია ფიქრი რომ ხარ
თუ მეტად გამომრავლდებით
დრო ჩვენს მოდემას ველარ
მოხრავს.
სიყვარულის გარდა უფლის,
არც არაფერ რამეს ვითხოვ,
ადრეც ვწერდი გულს
დულილს,
გავისხენებ იმ ლექსს, იმ
დროს.
ღლით ღამისთვის კოცონს
ვანთებ,
ბნელი არ არსებობს თითქოს.
არც რა ძალა ქვეყანაზე
ეს კოცონი რომ ჩამიქროს.
ცეცხლობს იგი სიყვარულად,
მარადიულ სიყვარულად
ჰკიებს მხოლოდ სიყვარული,
ჩემი ფიქრის ფიქრი
ფიქრობს!

დედას

ჭეშმარიტება ჩემად,
დანერილია ჩემთვის
პირველი არის დედა
და მერე არის ღმერთი.
მაერთებელი ხიდი,
ბედისწერა და ბედი,
ღმერთი ყმანვილთა, ყმათა,
ლოცვა და სიხარული,
სანთლის ციმციმის განცდა,
ბედნიერება სრული.
გულეში გულთა გული,
სულებში სულთა სული,
სიცოცხლე სიცოცხლეში,
მშვენიერა მშვენიერაში,
ყველაფერის დასაწყისი,
არაფერის დასასრული.
ყველა სათქმელზე სათნო,
ყველა ნათქვამზე მეტი
ჭეშმარიტება საღვთო,
ქვესკნელ-ზესკნელს რომ
ერთვის
ჯერ დედა არის ღმერთი,
მერე ღმერთია ღმერთი!
ერთი და იგივეა,
არის ორივე ერთი.

„არ დამიჯერებო, თუმც ასე იყო: შაშვე დაფნის ტოტიდან დაბალზე შემომასტვინა, შენი ძმა და მეგობარი გონერი მოსელიძე გუშინ
სამოცდახუთისა გამხდარაო... შენს პირს შაქარი, მეთქი, ჩიტყვი, როგორ გამახარე და აჰა, ჩემგანაც მიირთვი:

მილიონ სამოცდახუთს დაასწროს უფალმა, ეს ჩინებული სიტყვის ოსტატი, მრავალთა აღმზრდელ-მასწავლებელი, დედულ-მამულის
ჭირისუფალი, მევენახე, და მებალ-მებახჩე, მადლობა მას, რომ სოფელს დარაჯობს სიტყვით, გულით და დაუღლელი მარჯვენით! აჰა,
ფრი, ჩემო თვალგიშერა! მომიკითხე სიყვარულით.“

ამ რამდენიმე წინადადებაში გონერი მოსელიძის შესახებ მილოცვაც და თითქმის ყველა სათქმელი ჩაატია მისმა ქუთათურმა მეგობარ-
მა, ჟურნალ „განთიადის“ მთავარმა რედაქტორმა, კარგმა კალმოსანმა მწერალმა ავთანდილ ყურაშვილმა.

და მაინც „თერჯოლას“ და თერჯოლელებს მეტი გვაქვს სათქმელ-გასახსენებელი მის პიროვნებაზე, პედაგოგიურ მოღვაწეობაზე, მის
ლამაზ, ღრმაშინაარსიან პოეზიაზე, კიდეც მის ტკბელ, ქართული ტრადიციებით გაჯერებულ ოჯახზე.

მის ერთ პატარა ლექსს შე-
გახსენებო, სადაც კარგად მო-
ჩანს მისი პიროვნების ძირითა-
დი მახასიათებელი:
„მე უფრო კაცი,
ვიდრე პოეტი,
მე უფრო მინა,
ვცხოვრობ და ვსუნთქავ,
შენებ დროებით,
ამაოების ვა-სავალს ვკეცავ-
მაგრამ ვერაფრით ვერ
შევაბეშე
დროს ფართობიანს,
ნიჩაბ-ბარიანს,
ბედნიერია,
ვინც წვეთი მისი
არც იხარება და
არცა დალია“.

ლექსების წერის სურვილი
ადრე გაუჩნდა. მესხეთე კლას-
ში იყო, როცა გაზეთ „თერ-
ჯოლის“ წინამორბედ „წინ-
სვლის“ რედაქციაში მორ-
ცხვად შეაბიჯა და თავისი
„ნაღვანი“ გაზეთის მაშინდელ
კორესპონდენტს, ნიკოლოზ
კლდიაშვილს მიუტანა, რო-
მელმაც დაუფარავად უთხრა
„რას გავს ბიჭო ეს, ამას ვინ
დაგიბეჭდავსო“ და განბილე-
ბული გაისტუმრა.

ასევე დაუნუნა ლექსები
ქართულის მასწავლებელმა
მარო კაპანაძემ, თუმცა თუ
ლექსები მაინც გინდა წერო,
ამას თავისი ნესები აქვსო და
ასწავლა რა უნდა გაეთვალის-
წინებინა. რამდენიმე მცდე-
ლობის შემდეგ სანადელს
მაინც მიადგინა და გონერის
პირველი ლექსი „წვიმს“ გა-
ზეთ „წინსვლაში“ 1973 წელს
დაიბეჭდა. შემდეგ იყო ლექ-
სები დედაზე, სიყვარულზე,
თანდათან გაჩნდა სხვა თემე-
ბიც, ასე გაიცნო გონერი მო-
სელიძე რაიონული გაზეთის
ფურცლებიდან „წინსვლის“
შემდეგ „თერჯოლას“ მკითხ-
ველმა.

თერჯოლის №1 საჯარო
სკოლის დამთავრების შემდეგ
უმაღლესი პედაგოგიური გა-
ნათლება მიიღო ქალაქ ქუთა-
ისის პედაგოგიურ ინსტიტუტ-
ში, იქიდან მოყოლებული უკვე
33 წელია მუშაობს ღვანკითის
საჯარო სკოლაში ისტორიის
მასწავლებლად. შემდეგდინ
მეთორმეტეა ჩათვლით ასწავ-
ლის საქართველოსა და მსოფ-
ლიოს ისტორიას. პარალელუ-
რად წერს ლექსებს. სამშობ-
ლო, პატრიოტიზმი ასაზრდო-
ებს გონერის შემოქმედებას.
ქვეყნის წარსული, აწმყო და
მომავალი ამოსავალი, რომ-
ლის გარეშე ვერც პედაგო-
გიური მოღვაწეობა და ვერც
პოეზიასთან მეგობრობა ვერ
წარმოუდგენია.

„საუკეთესო ახალგაზრდე-
ბი იზრდებიან და მოდიან.
მიუხედავად იმისა, მაინც და
მაინც კითხვა, ზეპირობა ყვე-

ლა მათგანს არ უყვარს, თუმ-
ცა სოციალურ გარემოში მათი
უძეტესობა მშვენივრად
იმკვიდრებს ადგილს, კარგი
სწავლის პირობებში კი ცხა-
დია, ორჯერ უკეთესად“, ამ-
ბობს გონერი მასწავლებელი
მოსწავლეებისა და ზოგადად
ახალგაზრდების შესახებ.
„ამასთან ისტორიის სწავლა
და გააზრება კი თითოეულს
განსაკუთრებით მოეთხოვება,
არა მხოლოდ მოსწავლეებს,
არამედ სასურველია ყველა
მოქალაქემ იცოდეს თავისი
ქვეყნის ისტორია, რაც სამწუ-
ხაროა და ასე არ არის“... ამ-
ბობს დანაწიებით.

გონერი მოსელიძე, ჯერჯე-
რობით მხოლოდ ერთი ლექ-
სების კრებული ავტორია.
„მარტის გვირგვინი“ ჰქვია
ნიგნს, რომელიც 2006 წელს
გამოვიდა. ნიგნის რედაქტორი
თემურ ამყოლაძე ასე ახა-
სიათებს მის კრებულს: „სევ-
დიანი, იმედიანი, ვაჟკაცური...
გონერი მოსელიძე კლასი-
კური ლექსების ერთგულია,
განწყობილების სინრფელით,
მოულოდნელი პოეტური ხილ-
ვებით, სიტყვის, ფრაზის ფა-
ქიზი გრძნობით გიზიდავს,
გაინტერესებს. თავადაც ასე-
თია—გულწრფელი, ბოჰემურ-
ი და ყოველივე ქართულის,
ვაჟკაცურის მოთაყვანე“.

მკითხველები გონერი მო-
სელიძისაგან ყოველთვის აზ-
რიან, ღრმაშინაარსიან და
ლამაზი ნყოფით გართიმულ
ლექსებს მოედიან. არაერთი
ლიტერატურული საღამო
მახსენდება, როცა მსმენელი
გულწრფელი აპლოდისმენტე-
ბით გამოხატავდა მონონებას
და აღტაცებას მისი ლექსების
მიმართ.

გონერი არაფერს წერს და
აკეთებს თავის გამოჩენის, ან
რაიმე სარგებლის მიღების
მიზნით. მის შემოქმედება-
ში არის ლექსები, რომლებიც
ფარულად თუ აშკარად არის
ერთგვარი პროტესტი უსა-
მართლობის, საზოგადოებრივ
ცხოვრებაში არსებული სხვა-
დასხვა ნეგატიური მოვლენე-
ბის მიმართ. 90-იან წლებში
რედაქციაში ერთხელ ლექსი
მოიტანა, მასში მთელი სის-
რულით იყო გადმოცემული იმ
დროს ქვეყანაში გამეფებული
საშინელი მანკიერებანი, ქაო-
სი, უწესრიგობა, ძმათა შორის
შუღლი და ომი, შიში, შიმშილი,
სისასტიკე, ანუ ზოგადად ზნე-
ობის დეგრადაცია. არ მახსენ-
დება ვინმეს ისე გამოეხატოს
ეპოქის მაჯისცემა... სამწუხა-
როდ ის ლექსი ვერ დაეუბეჭ-
დეთ, სხვათა და სხვათა მი-
ზეზთა გამო.

მრავალფეროვანია მისი

შემოქმედების თემატიკა, მა-
რადიულია სიყვარულის თე-
მა, სრულიად იზიარებს აზრს
რომ: „სიყვარულმა არ იცის
ასაკი“, ასევე დედა, რომე-
ლიც შემოქმედის მუდმივი
მიძღვის ადრესატია. ქვეყა-
ნაში მიმდინარე პროცესები,
ხომ, არასდროს ტოვებს გულ-
გრილს, ქვეყნის გულშემატკი-
ვარსა და პატრიოტს.

დღეისათვის გონერის მრავ-
ალნი ახალი ლექსი აქვს, რო-
მელიც თავმოყრილია და გა-
მოცემის შემთხვევაში კიდეც
ერთ საინტერესო კრებულს
მიიღებს ქართველი მკითხ-
ველი. ავტორი არ ჩქარობს,
არავის აწუხებს დახმარებე-
სათვის, როგორც ამბობს,
მთავარია არსებობს ლექსები
და მას და მის ირგვლივ მყოფ
ადამიანებს გულს უთბობს და
სამყაროს ულამაზებს.

ერთადერთ ლიტერატურ-
ულ კონკურსში მიიღო მონა-
წილეობა გონერმა 2017 წელს,
ეს იყო მწერალთა ყოველ-
თვიური ლიტერატურული
ფურცლის „განთიადის“ 130
წლისთავისადმი მიძღვნილი
ლიტერატურული კონკურსი,
რომელიც საჯარო სკოლების
პედაგოგებისა და მოსწავლე-
ებისათვის გამოცხადდა. გაზეთ
„თერჯოლის“ რედაქტორის,
ბატონ დავით კლდიაშვილის
რჩევით მან თავისი ლექსები
წარადგინა. მოხდა ისე, რომ
კომისიამ გონერის შემოქმე-
დება უმაღლესი ნომინაციით
შეაფასა და მას პირველი ხა-
რისხის დიპლომი და პრემია
გადასცა.

პოეტი ძლიერია ოჯახის,
ნათესაების, მეგობრებისა
და კოლეგების თანადგომით.
ცხოვრობს თავის ოჯახურ გა-
რემოში, მეუღლესთან, ზაირა
კუპატაძესთან ერთად ორი
შვილი აღზარდა, დღეისათვის
ორივე დაოჯახებულია, ორი
შვილიშვილიც ულამაზებს
ოჯახურ იდილიას, პედაგო-
გობს სკოლაში და შვილებს,
ასევე მოსწავლეებს, ირგვლივ
მყოფ ადამიანებს აძლევს მა-
გალითს: ნესიერი, ზრდილი,
ინტელექტუალური შემოქმე-
დებითი შრომისა და ცხოვრე-
ბისას.

გაზეთი „თერჯოლა“ უერ-
თდება გონერი მოსელიძე-
სათვის დაბადების დღის მიმ-
ლოცვლებს, უსურვებს მას
ჯანმრთელობას, კეთილდღე-
ობას და უამრავ ლამაზ დღეს.
წარმატებული იყოს მისი, რო-
გორც შემოქმედებითი საქ-
მიანობა ასევე პედაგოგიური
მოღვაწეობა.

აქვე გთავაზობთ პოეტის
ახალ ლექსებს.
მზია ციფურიშვილი

„კლდიაშვილი—მარადიული მასპინძელი“

5

ქამუშაძეების ერთადერთი იმედი სოფლის დატოვება და თავის რჩენის წყაროს საძებნელად ქალაქში წასვლა დადარა.

იმედგაცრუებული ისევ და ისევ სიღარიბის პირისპირ აღმონდება გამაჭანკლებული იმერელი აზნაური, სოლომონი („სოლომონ მორბელაძე“), რომელსაც ჯერ კიდევ შერჩე-

რეცტორმა ნინო ოქრუაძემ მადლობა გადაუხადა სტუმრებს, მაყურებლებს, მონაწილე ბავშვებს და მათ ხელმძღვანელს, ქალბატონ რუსუდან კოვზირიძეს, სკოლებს, აგრეთვე მადლობა გადაუხადა მოსწავლე ახალგაზრდობის ცენტრის კოლექტივს ერთგული თანამშრომლობისა-

ლებაც კი მოუხდა და კარგადაც გაართვეს თავი: დავით კლდიაშვილი განასახიერა საბავშვო „მზეკაბანი 2007“, კირილე, სოლომონ მორბელაძე—გიორგი ჯიხვაშვილი, თერჯოლის №1 საჯარო სკოლა, პლატონი, დარისპანი—გოჩა ლილეშვილი, თერჯოლის №1 საჯარო სკოლა, ნატალია, ელენე გურაბანიძემ, თერჯოლის №1 საჯარო სკოლა, არისტო, პლატონი—სოლომონ მორბელაძიდან, ოსიკო—ნიკა გურულიძე, „მზეკაბანი 2007“, ეკვირინე, პელაგია—თიკა კოვზირიძემ, ღვანკიის საჯარო სკოლა, მართა—თექლა ბუსკიაძემ, ღვანკიის საჯარო სკოლა, ბეკინა, ნიკო, ოტია, ონისიმი—ლუკა ჩანთაძემ, თერჯოლის №2 საჯარო სკოლა, ელენე-ბეკინას ცოლი—მარიამ ბერუაშვილი, საზანოს საჯარო სკოლა, კაროშა—ელენე აბულაძემ, თერჯოლის №1 საჯარო სკოლა, გვერდევანიძე ვეკელი, პორფირი—გიორგი კვანტიძემ, რუფოთის საჯარო სკოლა, სონია—ნინო რობაქიძემ, გოგნის საჯარო სკოლა, ეფროსინე (სოლომონ მორბელაძიდან)—თექლა ზარნაძემ, თერჯოლის №2 საჯარო სკოლა, ბეკინას და ელენეს ბიჭი—დაჩი საყვარელიძემ, თერჯოლის №2 საჯარო სკოლა, შურნალისტი—ნანო თორთლაძემ, თერჯოლის №1 საჯარო სკოლა, შურნალისტი თექლა მაკარიძემ, თერჯოლის №1 საჯარო სკოლა, შურნალისტი, თერჯოლის №2 საჯარო სკოლა.



ნია აზნაურული კუდაბიკობა, თუმცა შეუფერებელ საქმეს, მასშობას შეჭიდებია სიღარიბის და მევაღისათვის თავის დაღწევის მიზნით.

ფინალი აქაც ისეთია, როგორც დანარჩენ მოთხრობებში. როცა დაპირებული „თუმნიანების“ ნაცვლად სოლომონს ორიოდე გროში გადაუგდეს, სასოვნარკვეთილი ამბობს: „დასწყველოს ღმერთმა იმერელი აზნაურის გაძალღებული ცხოვრება, მოვატყუე, მომატყუეს და ხვალ ერთი მოტყუებული კარზე მომადგება“...

და ისევ დავითი: „როგორც ხედავთ, მთელი ჩვენი ენერჯია მხოლოდ არსებობის შესანარჩუნებლად იხარჯება, საზოგა-



დობა ინგრევა, იფიტება და იშლება ყველა დონეზე“—დაიხს, ასეთია ის სამწუხარო რეალობა, რომელსაც მწერალი ემსახურებოდა და ყოველივე კი ძალიან ლამაზად და შეუღამაზებლად იყო წარმოდგენილი.

კიდევ ერთხელ უნდა ითქვას, ეს იყო საუკეთესოდ შედგენილი სცენარი, საუკეთესოდ შერჩეული შემსრულებლებით, რეჟისურა, კოსტიუმები, მუსიკალური და ქორეოგრაფიული გაფორმება... ერთი სიტყვით ყველაფერი იყო ისეთ დონეზე ნებისმიერ დიდ სცენას რომ დაამშვენებდა და მაყურებელს ალაფროთვანებდა...

ასე ლამაზად დასრულდა ღონისძიება. მოსწავლე-ახალგაზრდობის ცენტრის დი-

თვის. მოსწავლე-ახალგაზრდობის ცენტრის მიერ წარმოდგენილი ლიტერატურულ-საღამოს დაქვანებენ: საგანმანათლებლო რესურსცენტრის ხელმძღვანელი ქალბატონი ქეთევან შეყრილაძემ, მუნიციპალიტეტის მერი ბატონი მანუჩარ რობაქიძემ, საკრებულოს თავმჯდომარე ბატონი გიორგი ბარათაშვილი და სხვადასხვა სამსახურების, სკოლების წარმომადგენლები, რომლებმაც მიიწვიეს, მაღალი შეფასება მისცეს წარმოდგენილ ღონისძიებას და მადლობა გადაუხადეს ცენტრის ხელმძღვანელს და პედაგოგების თითოეულ წევრს, უნარიანი და უღალატო საქმიანობისათვის.

მუნიციპალიტეტის მერმა მადლობა პირადად გადაუხადა ქალბატონ რუსუდან კოვზირიძეს, ცენტრის ღონისძიებების დაგეგმვისა და განხორციელების კლუბის ხელმძღვანელს, რომლის თაოსნობით და ორგანიზებით მომზადდა ეს უღამაზესი საღამო. მან, ისევე როგორც საღამოს მონაწილეებმა მაყურებელთა განსაკუთრებული აპლოდისმენტები დაიმსახურა.

აქვე წარმოგიდგინებ მონაწილე ბავშვებს, აღნიშნული კლუბის წევრებს, რომელთა არტისტიზმმა, ნიჭიერებამ თითოეული როლის მაღალ დონეზე შესრულებამ განსაზღვრა საღამოს წარმატება. ზოგიერთ მათგანს ორი, სამი, ოთხი როლის შესრუ-

11 ოქტომბერს საღამოს დასრულების ყველა მსურველი ვერ დაიგია ცენტრის დარბაზში, ამიტომ 18 ოქტომბერს მოხდა სპექტაკლის განმეორებითი ჩვენება... რა დროსაც ისევ ლამაზად და შემოქმედებითად დაიხარჯენ საღამოს მონაწილენი. ამჯერად მაყურებელთა შორის იყვნენ მონაწილე ბავშვების კლასელები, სკოლები, ღირეცციის წარმომადგენლები, პედაგოგები, დამრიგებლები.

ლიტერატურულ სპექტაკლში ჩართული იყო 7 სკოლის 18 მოსწავლე.

მოსწავლეთა ცენტრის ადმინისტრაციამ განსაკუთრებული მადლობა გადაუხადა აღნიშნულ ღონისძიებაში მხარდაჭერისა და თანადგომისათვის: რესურსცენტრს, თერჯოლის №1, №2, კერძო სკოლა „მზაეკაბანი“, ღვანკიის, საზანოს, რუფოთის, გოგნის სკოლებს, მონაწილე მოსწავლეების მშობლებს.

მზია ცქიფურიშვილი



მოსახლეობის და სასოფლო-სამეურნეო აღწერა 14 ნოემბრიდან დაიწყება

მოსახლეობის და სასოფლო-სამეურნეო აღწერების ათწლიანი პერიოდულობით ჩატარება აღწერის ერთ-ერთი ძირითადი პრინციპია. ამასთან ერთად, გაეროს რეკომენდაციებისა და საერთაშორისო პრაქტიკის შესაბამისად, ქვეყნებმა მოსახლეობისა და სასოფლო-სამეურნეო აღწერები უნდა ჩატარებონ 10 წელიწადში ერთხელ მინც, შესაბამისად, 2024 წელს მოსახლეობის და სასოფლო-სამეურნეო აღწერების ჩატარებით, დაცული იქნება აღწერების განხორციელების ათწლიანი ციკლი.

აღწერაში მონაწილეობა სავალდებულოა ყველა იურიდიული პირისა და ფიზიკური პირისთვის, მათ შორის, საქართველოს მოქალაქისთვის, საქართველოს ტერიტორიაზე მყოფი უცხოელისა და საქართველოში სტატიუსის მქონე მოქალაქეობის არმქონე პირისთვის. აღწერას არ ექვემდებარებიან უცხო ქვეყნის მოქალაქე და მისი შინამეურნეობის წევრი, რომლებიც დიპლომატიური იმუნიტეტით სარგებლობენ, აგრეთვე უცხო ქვეყნის სამხედრო მოსამსახურე და მისი შინამეურნეობის წევრი. რესპონდენტი ვალდებულია აღწერის ჩატარებისას გამოკითხვის პროცესში საქართველოს სტატისტიკის ეროვნულ სამსახურს მიანიჭოს მის ხელთ არსებული უტყუარი მონაცემები (კანონის მე-29 მუხლი).

კანონის 34-ე მუხლი ადგენს მონაცემთა კონფიდენციალურობას. რესპონდენტის შესახებ მონაცემები ინახება საქართველოს მოქმედი კანონმდებლობით დადგენილი წესით. აღმწერ პერსონალს ეკრძალება აცნობოს ვინმეს, რესპონდენტის შესახებ შეგნებული აღწერის კითხვარის შინაარსი. მონაცემების გამოყენების წესის დარღვევისთვის აღმწერ პერსონალს დაეკისრება პასუხისმგებლობა საქართველოს მოქმედი კანონმდებლობით დადგენილი წესით. აღწერის დროს შეგროვებული მონაცემების უსაფრთხოება უზრუნველყოფილია „პერსონალურ მონაცემთა დაცვის შესახებ“ საქართველოს კანონის 27-ე მუხლით.

აღწერა ტარდება საქართველოს ყველა ადმინისტრაციულ - ტერიტორიულ ერთეულში, გარდა ოკუპირებული ტერიტორიებისა, მოსახლეობის და სასოფლო მეურნეობების შესახებ ზუსტი მონაცემების მისაღებად, რაც აუცილებელია ქვეყნის სოციალურ-ეკონომიკური განვითარების პროორიტეტების განსაზღვრისა და საზოგადოების ინფორმირების მიზნით. საერთაშორისო რეკომენდაციების გათვალისწინებით, დანახარჯებისა და ადამიანური რესურსების ოპტიმალურად გამოყენების მიზნით, ასევე, იმის გათვალისწინებით, რომ საქართველოში სასოფლო-სამეურნეო აქტივობა და პროდუქციის წარმოება ძირითადად ხორციელდება შინამეურნეობების სექტორში, მოსახლეობის აღწერასთან ერთად ჩატარდება სასოფლო-სამეურნეო აღწერაც.

აღწერის ფარგლებში შეგროვდება მონაცემები მოსახლეობის რიცხოვნობის, მისი სქესობრივ-საკობრივი შემადგენლობის, სხვადასხვა დემოგრაფიული და სოციალურ-ეკონომიკური მახასიათებლების მიხედვით. ასევე, აღწერა მოიცავს როგორც საცხოვრისებში და ინსტიტუციონალურ დაწესებულებებში მცხოვრებ მუდმივ მოსახლეობას, ისე უსახლკარო პირებს და მომთაბარე ჯგუფებს, რომლებიც აღწერის კრიტიკული მომენტისთვის მუდმივად ცხოვრობენ ქვეყნის ტერიტორიაზე. ამასთან, აღწერის ფარგლებში შეგროვდება ინფორმაცია, შინამეურნეობების სასოფლო-სამეურნეო აქტივობის შესახებ, კერძოდ, შინამეურნეობების სარგებლობაში არსებული მიწის სტრუქტურის, პირუტყვისა და ფრინველის სულადობის და სხვა მნიშვნელოვანი საკითხების შესახებ. შესაბამისად, აღწერის შედეგების საფუძველზე ხელმისაწვდომი იქნება ზუსტი და განახლებული მონაცემები როგორც მოსახლეობის რაოდენობის, მისი სქესობრივ-საკობრივი შემადგენლობის, სხვადასხვა დემოგრაფიული, სოციალურ-ეკონომიკური მახასიათებლების მიხედვით, ასევე შინამეურნეობების სასოფლო-სამეურნეო აქტივობის შესახებ, თვითმმართველი ერთეულებისა და დასახლებების დონეზე. აღწერის საველე სამუშაოები უნდა განხორციელდეს იმ დროს, როდესაც ადამიანი ყველაზე ნაკლებად მოხიბულია, რადგან უფრო ადევილი იყო მისი გამოკითხვა მუდმივ საცხოვრებელ ადგილზე ე.ი. იმ დასახლებაში, სახლში, ბინაში, რომელშიც გამოსაკითხი პირი ატარებს თავისი დროის უმეტეს ნაწილს. ეს ადევილი შეიძლება დაემთხვეს ან არ დაემთხვეს მისი რეგისტრაციის ადგილს. ამასთან, ქვეყნის მიხედვით საველე სამუშაოების ხანგრძლივობა განსხვავებულია და დამოკიდებულია აღწერის მეთოდსა და მეთოდოლოგიაზე, ასევე, ქვეყნის მოსახლეობის რაოდენობასა და მის გეოგრაფიულ განაწილებაზე. აღნიშნულიდან გამომდინარე, 2024 წლის აღწერის თარიღად განისაზღვრა 2024 წლის 14 ნოემბრიდან 19 დეკემბრის ჩათვლით პერიოდი, ხოლო მოსახლეობის გამოთვლის მომენტად (მოსახლეობის აღწერის კრიტიკული მომენტი) - 13-14 ნოემბრის შუალა-მის 12 საათი.

აღნიშნული პერიოდის შერჩევა განპირობებულია შემდეგი ფაქტორებით: მოსახლეობა ნაკლებად მოხიბულია; მიმდინარეობს სასწავლო პროცესი - მოსწავლეები და სტუდენტები იმყოფებიან მათ მუდმივ საცხოვრებელ ადგილზე; აღწერა ჩატარდება ერთდროულად ქვეყნის მთელს ტერიტორიაზე (ოკუპირებული ტერიტორიების გარდა).

თერჯოლის №3 საბავშვო ბავშვების თანამშრომლები სამძიმარს უცხადებენ ელიზა და დათო ბლიაძეებს დედამთილისა და დედის სულიკო მარაქველიძის გარდაცვალების გამო.

თერჯოლის №3 საბავშვო ბავშვების თანამშრომლები იუნყებენ ნიკა რობაქიძის სამძიმარს უცხადებენ განსვენებულის ოჯახს.

ვაჟა ფშაველა — უსაზღვრო და თვალუნვდენელი სამყარო...

ძვერის საჯარო სკოლაში დადგმული სპექტაკლის გამო

ვაჟა-ფშაველა მემკვიდრეა იმ საუკეთესო ტრადიციისა, რომელიც შეიქმნა ძველი ქართული მწერლების თაობების მიერ. ქართული კულტურის ნიაღვრე გაიზარდა ვაჟა. მის პოეზიაში წინა პლანზეა სამშობლო, მკითხველს არასოდეს მოსწყინდება მისი პოეზიის კითხვა. ვაჟა ზუნების მესაიდუმლე იყო, პოემა „გველისმჭამელის“ მთავარი გმირის, მინდიას სული ედგა, ამიტომ იყო იგი მაღალი და სპეტაკი. ვაჟა იმიტაც იქცევს ყურადღებას, რომ ნანარკობებში დიდი ადგილი უკავია კეთილშობილ ადამიანებს, მათ არ იციან შიში და უკანდახევა განსაცდელისა და უბედურების დროს. მას სწამდა, რომ საქართველო გაშლიდა ფრთებს, ექნებოდა მომავალი „რომ მომავალი ჩვენია, ამას რათ უნდა მისანი“ — წერდა ერთ ლექსში.

სტუმარ-მასპინძელი — მცირე მიმოხილვა

ქისტეთის მიდამოს ლამის წევდიანი რომ გადაეფარა, გამოჩნდა უცხო კაცი, რომელიც ხევსური ზვიადაურია, ვაზაბნეული, მტრის სოფელს მოუახლოვდა. ხევსური ხვდება ნადირობიდან დაბრუნებულ ქისტს — ჯოყოლას. ზვიადაური არ ეუბნება ჯოყოლას ნამდვილ სახელს, ჯოყოლამ კი არ იცის რომ სახლში მტერი მიჰყავს. ჯოყოლამ ცოლს — ალაზას — სტუმარი წარუდგინა, ლეთის წყალობა ჩვენზედაო. ჯოყოლას სახლში მყოფმა მოხუცმა

ცოლს, რომელიც ეუბნება, რომ ცრემლები შესწირა მის მეგობარს, ამშვიდებს ჯოყოლა. ხდება ისე, რომ ჯოყოლა კვდება შემოსულ ხევსურთა წინააღმდეგ ბრძოლაში, ალაზა თავს იხრჩობს...

ხალხი ლამით მოჩვენებებს ხედავს — ჯოყოლა უხმობს თავის სტუმარს, ზვიადაურის აჩრდილი სასაფლაოდან ნამოვა, მწუხარე სახით ჩნდება ალაზა, ანთებენ ცეცხლს, ჯიხვის მწვადს წვავენ, ვაჟკაცობაზე, სტუმარ-მასპინძლობაზე



თითო — „ჰელადოსიდან“ „სტუმარ-მასპინძლობამდე“.

კულტურის სახლის დარბაზი სავსე იყო პედაგოგებით, მშობლებით, მოსწავლეებით, მუნიციპალიტეტის მერიის, საკრებულოს, საგანმანათლებლო რესურსცენტრის თანამშრომლებით, სხვა მონაწილე თუ მონაწილე სტუმრებით.

სპექტაკლი „სტუმარ-მასპინძელი“ ზუსტად დათქმულ დროს დაიწყო, სკოლის დირექტორმა მანუჩარ ფანჩულიძემ მოკლე სიტყვა წარმოთქვა. სამარისებული სიჩუმე დადგა დარბაზში, პირველსავე გამომსვლელმა, „ლამის წევდიანში ჩაფლული“... ქისტეთის მიდამოს აღწერის ტექსტი ისე ნაიკითხა, მოხიბლა მაყურებელი.

სცენაზე გაცოცხლდნენ: ჯოყოლა, ზვიადაური, ალაზა, მუსა, ზვიადაურის დედა, სხვა ქისტები, რომლებიც ნამდვილი მსახიობები ირგებდნენ როლებს. მართლაც, უკეთესი და უკეთესი თაობა მოდის, „ყოველთვის ვფიქრობ, ერთი თაობა, რომ წავა, როგორი იქნება მომდევნო“ — თქვა მანუჩარმა და საქებარი, დამსახურებული ქება არ დაიშურა სპექტაკლის მონაწილეების მისამართით. ძვერში ნამდვილად არიან თეატრალური, მსახიობის ნიჭით დაჯილდოებული ახალგაზრდები, მათი ნიჭის გამოვლენა კი

მჯდომარის პირველმა მოადგილემ, დეპუტატმა დავით გოგბერაშვილმა, განათლების რესურსცენტრის ხელმძღვანელმა ქეთევან შეყრილაძემ, სამხედრო აღრიცხვის, განვების და რეკრუტირების თერჯოლის მუნიციპალური განყოფილების უფროსმა, ვიცე პოლკოვნიკმა ვასილ ტყემელაშვილმა, ვეტერანების საქმეთა სახელმწიფო სამსახურის უფროსმა გია ლილუაშვილმა. მუნიციპალიტეტის მერი ბატონი მანუჩარი ძვერელ მოსწავლეებს დაპირდა ექსკურსიის დაფინანსებას, ბატონი გია კი ერთ-ერთ სამხედრო ქვედანაყოფში სტუმრად წაყვანას.

მანუჩარ ფანჩულიძემ მადლობა გადაუხადა მერიას, საკრებულოს, საგანმანათლებლო რესურსცენტრს დახმარებისა და თანადგომისათვის, სპონსორს, ძვერის სკოლის კურსდამთავრებულს ზვიად მეფარიძეს და რეჟისორს ტატო პატარიძეს, რომელიც პონორარსაც არ იღებს თურმე — ესაა საქმის, მოსწავლეების, პროფესიის სიყვარული. სპექტაკლის დასასრულს ტატო სცენაზე მოიხმეს — „მადლობა უფალს, რომ შემადლებინა დამეგვა ეს სპექტაკლი, მადლობა უფალს, თუ გასიამოვნეთ“. ნამდვილად გვასიამოვნე ბატონო ტატო, არა მარტო გვასიამოვნე, არა-

ლის თეატრალური დასი ტატო პატარიძის სახელობის იქნებაო.

ამ სპექტაკლის დანიშნულება, გარდა იმისა, რომ მოსწავლეები ეჩვენებინათ სასცენო ხელოვნებას, დამოუკიდებლობას, იმალევენ ცოდნას, ეცნობიან ვაჟას (თითოეულმა ზვიადაურად იცის სტუმარ-მასპინძელი) სწავლობენ ვაჟკაცობას, მეგობრობას, გატანას, გამძლეობას, ტრადიციების დაცვას და თავგანწირვას, რომ ისინი არასოდეს შეზღუდვნი ადამიანის სულს, მარად დაიცავენ საკუთარ და ადამიანის უფლებებს, ეყვარებთ ყველაფერი ლამაზი და ვაჟკაცური, არასოდეს დაღვრიან მოძმის სისხლს, უარს ეტყვიან მტრობას, ლალატს...

არის ღონისძიებები, რომლის შესახებ ინფორმაციის მკითხველისათვის მინოდება ძნელია, „სტუმარ-მასპინძელი“ უნდა ნახო, უნდა ნახო შემსრულებლები: ჯოყოლა — ვოვა ფანჩულიძე, ზვიადაური — ავთანდილ ყურაშვილი, ალაზა — ბარბარე კალატოზი, ზვიადაურის დედა — ნინო მეფარიძე, მუსა — გიორგი ფხალაძე, ქისტები — თაზო ჭანტურიძე, გუგა ხუბუღავა, გიორგი გიორგაძე, მათე ხოსიაშვილი და გამორჩეული



ქისტმა იცნო ზვიადაური და სოფელს შეატყობინა. სოფელი ატყვევებს ზვიადაურს. ჯოყოლა არ არღვეს სტუმარ-მასპინძლობის წმინდა ტრადიციას და იარაღით იცავს მას, ჯოყოლა მართალია წინაპართა ანდერძის და სინდისის წინაშე, მაგრამ მართალნი არიან ქისტებიც.

პარაკობენ. საამო სანახავია ეს ყველაფერი, მაგრამ მათ შავი ნისლი მალევე ფარავს და აბნელებს.

წინააღმდეგობა სიკვდილმაცვერ გადაჭრა.

„ჰელადოსი“-დან „სტუმარ მასპინძლამდე“

შარშან, როცა დამსწრე საზოგადოებამ ნახა ძვერის საჯარო სკოლის მოსწავლეთა რამდენიმე წუთიანი ფილმი „მინდისის გმირები“ და რეჟისორ ტატო პატარიძის მიერ დადგმული სპექტაკლი „სამანშივლის დედინაცვალი“, სკოლის დირექტორმა მანუჩარ ფანჩულიძემ თქვა, რომ მომავალ წელს „სტუმარ-მასპინძელს“ გიჩვენებთო.

და გვიჩვენა კიდევ. ეს მეათე სპექტაკლია, ყოველ წელს



საიმედო ხელშია — ტატო პატარიძე აქ არის. განუზომელია ტატოს დამსახურება, უდიდესი ენერჯია უნდოდა ამ სპექტაკლის ასე უნაკლოდ განხორციელებას.

სპექტაკლს მაღალი შეფასება მისცეს: მუნიციპალიტეტის მერმა მანუჩარ რობაქიძემ, მოკლე, მაგრამ მრავლისმთქმელი იყო მისი სიტყვა „განცვიფრებას იწვევს ეს სპექტაკლი“ და ამით ყველაფერი თქვა, სპექტაკლი შეაფასა მუნიციპალიტეტის საკრებულოს თავ-

მედ მოგვხიბლეს და მოგვხიბლა სპექტაკლის მონაწილეებმა. დარბაზი ფეხზე მდგარი უკრავდა ტაშს ტატოს, მონაწილეებს, მთლიანად სკოლის პედაგოგიურ კოლექტივს. ყველა გაახარა დირექტორის სიტყვებმა — ამერიიდან ძვერის სკო-

მთხრობელი — გაბრიელ მეფარიძე.

უნაკლოდ მოავგარა საბაკუტალაძემ განათების საქმე, გიორგი გოგოლაძემ და ნიკა კუტალაძემ — მუსიკალური თანხლება.

P.S. მუნიციპალიტეტის მერმა დანაპირები შეასრულა — ძვერის საჯარო სკოლის მოსწავლეებს, რომლებიც ამ სპექტაკლში იღებდნენ მონაწილეობას, ექსკურსია დაუფინანსა, ისინი ვაჟა-ფშაველას სახლ-მუზეუმში — ჩარგალში იმყოფებოდნენ.

ძვერის სკოლის პედაგოგები, მოსწავლეები, რეჟისორი მადლობას უხდებიან ბატონ მანუჩარს.

შუშუნა ცხადაძე



<p>შპს „თეატრი“ გამომცემელი ვალერიან გოგიაშვილი 599 92 49 75</p>	<p>მთავარი რედაქტორი დავით კლდიაშვილი 599 91 24 14</p>	<p>კორექსორდენტები: ფ. ცხადაძე — 558 90 82 55 მ. ცქიფურიშვილი — 555 28 11 41</p>	<p>აიწყო და დაკაბადონდა რედაქციის კომპიუტერულ ცენტრში</p>	<p>ჩვენი რეკვიზიტები: „ლიბერთი ბანკი“ LBRTGE22, ანგარიში GE32LB0113133960124000 ს/კ 231948872</p>
<p>სარედაქციო კოლეჯია რეგისტრაციის №53/5/ბ-22</p>	<p>გამოდის თვეში ორჯერ</p>	<p>ელ-ფოსტა: gazetiterjola@gmail.com</p>	<p>მისამართი: ქ. თერჯოლა, კოსტავას ქუჩა №2 დაბეჭდა ქუთაისის „შპს „ხომლი ინ“-ის სტამბაში ქუთაისი, ჭავჭავაძის გამზ. №33</p>	